

Ye'yaye këako iye Teatro de Papel del Cuyabeno

¿Keani Teatro de Papel del Cuyabeno?

Më'ë jëña tse'e paako we'ekoa Teatro de Papel, iye ye'yaye kato tsiosikoa teatro tradicional kwi'ne libros de papel. Iye Teatro de Papel ye'yaye nesikoa comunidades de Reserva Cuyabeno ako wa'i ja'ne. Aipë koka këaye toyase'e kwi'ne iye Teatro aye kato nese'ea'ë iye mai këro akowa'i ja'ne, oraë, ka'je kwi'ne titi aë'we, a'rikowa'ipi iyeje dibujaje tsoase'ea'ë.

Iye Teatro de Papel del Cuyabeno kaayo'yu'u kani paa'ie paa'iji kayawa'i, iti iye aipë koka leeyekë këakë (te'i, kayawa'i o iti yëkowa'i) kwi'ne iti asakowa'i, ijai paai yi'siye paa'iji Iti leeyejë këakowa'i teatro jete yo'jere pa'ie paa'iji, kwi'ne iti ñakowa'ipi sañope ñajë ñu'ine paa'iji.

Iti leeyejë këakowa'ipi iye dibujo paa'ie iñojë saiye paa'iji, iti ñajë ñu'iko wa'ire iye Teatro del Cuyabeno.

¿Meyo'ko iye Teatro de Papel de'o ye kwi'ne siwa ëaye ye'ye kokoni?

¿Më'ë asakëa toyaja'o ye'yeye ta'ne kwasaye isiye itire leyekë kwi'ne toyakë yo'okëna? Maipi leyejë kwi'ne toyaye ye'yejëna jaiye wi'yoji mai kwasajë yo'ye ti'aja'ne, iyere ye'ye kato mairé wi'yoja'koa ta'ne kwasajë mai koo'amaña nejë sai ja'ne mai yëyeje paa'ye.

¿De'warepa leyejëta'a iti toyase're asati'añe paato me mairé kokoni? ¿Ta'ne toyajëta'a mai kwasayere toyaye paato kwi'ne maine koñe paaji? Iye kayaye seña ai do'i paaji mai kwasayere ta'ne toyajë kwi'ne nuiñerepa asati'ajë leyeja'ñere, jaje paa'ina iye Teatro de Papel ai koji de'oye asajë kwi'ne ta'ne ye'yejë saiye.

Mai kwasayere kañu'u kani, ai ye'yeye paa'iji koka kayere, mai kwasaye kaja'ne kwi'ne kere yë'ë këaye yëye'ni. Si'a tutu aipë koka leyejë këaye kato koji ta'ne këaye kwi'ne yekowa'ire nuiñerepa koka kayere.

Yekeje paa'iji, yeko wa'ipi aipë koka këajëna asaye kato koji mai ta'ne asayere, iti toyase'e asati'añere, mai ñati'ama'ñere asaye kwi'ne mai tiñe paa'yere kwasaye.

¿Me yo'ye paa'ikëni iye Teatro de Papel del Cuyabeno?

1. Ijëë te'e aipë koka jeteyo'je kaya tsëkapë wawejëë, láminas toya e'ke kë'ye kwi'ne láminas dibujase'e kë'ye. Iti numero këaye paa'iji jana ñajë io saiyeje paa'ye nere'waye paa'iji. Kayaye wawese'e paayë yure mëë, toya e'kë kë'io kwine de'o dibujo kë'io.
2. Ja jete yo'je láminas de'oye io saiyeje nere'wa tëjini, jëjo koojëë dibujo we'eyese'e iye Teatro de Papel del Cuyabenona, ikopi we'eko sa'ro iye juanëoñe, dibujo we'ekopi paai ñajë ñu'i we'ñare paa'ye paa'iji.
3. Iti leyeja'kowa'i kë'rona oajëë toya e'ke kë'i láminas, ñeje deoye oani aipë koka leyejë këajëna dibujo kë'i láminas jane kwi'ne ëñojë saiye paa'iji.
4. Yure, ja'rujëë teatro jeteyo'jena, këajëë mëë mami kwi'ne mëëne kokowa'i koni. Leyejëë du'ru wëokopi jane iopi we'eko numeroña, 1 du'ru wëoko, iye aipë koka asakowa'i ña'ne paa'iji du'ru wëo dibujore.
5. Mëë deoye këaye paa'iji, dëi yë'o o peea yë'o kakë këakena iti asakowa'i siwaja'kowa'ire.
6. Du'ru akore leyekë këatëjini etoye paa'iji arite'teja'a, ja jeteyo'je yekë dibujore ëñone paa'iji iti ñajë ñu'ikowa'ire. Toya ë'ke kë'i laminare paa'iji neame jiosiko kwi'ne numeroje jaona ti'ani mëë tsoe yekë dibujo kë'i laminana saiji kwasaye paa'iji. Janeje se'e iko saiko io tëjimakaja'a.
7. Si'aye we'ëji numero iti deoye ñakë leyekë këaja'ne, jaje paa'iona du'ru deoye oani mëë këakë saiye paa'iji. Toya ë'kë kë'io karajakona yekore ikë leyekë këakë saiye se'e paa'iji.
8. Aipë koka këatijini, de'oye de'wajëë, yekeje paa'iji iye ja'wa jeteyo'jere mëëre këaye jare ye'yejëë iye Teatro de Papel del Cuyabeno ja'ne.

Me ikore ëjarepa ye'yaye paa'ikë'ni Teatro de Papel del Cuyabeno:

- Aipë koka këaye ñape mëë ye'yakowa'i ja're sañope sejë kwi'ne koka kajë, ñeje yo'kë ëjarepa ye'yaye paa'iji.
- Ikore aiyowa'i kwi'ne a'rikowa'i paa'ito ti ko'aye paaji, aiyo wa'ipi leyejë këajëna kwi'ne a'rikowa'ipi asajë ñui'toje de'oji. ¿Me yo'jë yekowa'ire wëoye paa'ne?
- Iye aipë koka këa sa'nawë jai paai paa'iyë koka kakowa'i, paaiñape imani io wa'i kayeje kato ai siwa ëaye pisija'koa.
- Música piisiye paani nejë iyepi deoye asakwañoñe ju'a ja'koa. Ñeje paa'ye, oko rako piisiye, puu'su kaye ¿Jaiye paa'iji iti yo'ye?
- Mëë yëyeje poonajëë aipë koka tëjiye. Mëëpi kwañejë iti ye'yekowa'ire io wa'i yëyeje këajajë aipë koka tëjiye, yo'ni jane iowa'i yëyeje dibujani tsoani ëñojajë.
- ¿Mësarupi toyajëë wajë aipë koka Teatro de papel? Wajë dibujo nesi'i kani iye laminaje paa'ye mëë ko'eye paa'iji A4 ja'ore. Iye lamina nese'e teatrona juanëokë këaja'ñere kwasakë neñe paa'iji kwi'ne toyaye paa'iji iti këaja'ne.
- Ikopi ko'eye paa'iji mai a'rikowa'i ko'ëja'ne wajë aipë koka këaja'ne mai comunidad ayere. Sejëë a'rikowa'ire iowa'i ñekwë kwi'ne ñekore seja'kowa'ire aipë koka këaye, ja jeteyo'je neñe paa'iji Teatro de Papel këa ja'kore.

Aimeñe kooñe

Si'a aipë koka këatëjini, paaiñape këaye paa'iji io wa'i kwasayere iye asatëjini, io wa'i kaye asani koka kaye paa'iji. Jane iko sa'nawëre paa'iji iti ayere seni asaye kwi'ne si'a aipë koka sejë kokakaye, paa'iji paaiñape aipë koka këase'e sejë koka kaye kwi'ne yeke señeje. Iyepi kooja'koa ai ta'ñe asaye kwi'ne ta'ñe aipë koka këaye.

Yeke këaye

- Ye'yawë'e sa'nawë io wa'ise'e koka kajajë. Deo'ye o koo'aye sewoye peeoji ikore kato paaiñape paayë io wa'i kwasajë kaye, io wa'ise'e kajëna asaye paa'ji yekowa'ire se koo'aye kama'jë. Ñeje koka kakë asaye paa'iji yekowa'i kaye, ñeje yo'ojë ta'ñe kaye kwi'ne kwasaye ye'yeyë a'riko wa'i.
- Toyaye kwi'ne dibujaye yo'jë yeke ta'ñe yo'yeje ko'ejë aide'oyë a'rikowa'i, ñati'a ma'ñere kwasaye kwi'ne ta'ne yeke yo'ye.
- Më'ëpi ñañë më'ë ye'yako wa'ire. Señë më'ëre iyepi ñakë ye'yajëë, yeke poonañe paa'ito ko'a ju'i ma'ë tëokë ye'yajëë, më'ë yëyeje paa'ye, du'ru ye'yeyë saikowa'i o ja'a wëoko wa'i paa'ito jane më'ë yëyeje ko'ekë ye'yajë.

Señe kwi'ne yeke yo'jë ye'yeye:

Iye seña kwi'ne yeke yo'jë ye'yeye kooji kooa si'a aipë koka këaye. Më'ë yë aipë kokare ini këäkë ye'yajëë më'ë ye'yako wa'i ja'ne. Tisi'aye seña o paanije te'e sekore ini seni asakë ye'yatoje deoji. Iye kato ko'eyë iti ye'yekowa'ipi koka kaye ye'ye jajë kajë kwi'ne iti këase'e asati'a ja'ñere kajë, iye koka ka sa'ro kato io wa'i asase're këajajë kajë, yeko wa'i kooa asaye paa'iji.

1. ¿Iye aipë koka kaye de'o? ¿Me yo'ko de'oni?
2. ¿Iye aipë koka sa'nawë jëkëpi de'oye më'ëre asakwañouni? ¿Me yo'ko jaëpi de'ouni?
Sejëë io wa'i de'oye asasikëre dibujani tsoaye paa'iji.
3. ¿Paa'ikë më'ne kooe ëaye asase'e iye aipë koka? ¿Me yo'ko? ¿Me më'ë kë'añe paa'ia'ni?
4. ¿Me asakwaño iti këaye? ¿Dëi yë'o kwi'ne peea yë'o asakwaño? ¿Jekopi de'oye asakwaño dëi yë'o o peea yë'o?
5. ¿Jeropi iye aipë koka këaye yo'o se'ani? ¿Ñakëa iye comunidad iye aipë koka këasito?
6. ¿De'oye ñakwañokë iye dibujo tsoase'e? ¿Je dibujopi ai de'oye ñakwañokë? ¿Me yo'ko?
7. ¿Iye aipë koka tëjiye me asakwañokë de'okë? ¿Me yo'kë?
Sejëë më'ë ye'yakowa'ire tiñe paa'ye tëjikore iowa'ipi dibujani tsoajajë, ja jeteyo'je këa jajë.
Toyajajë io wa'i kwasakore iti tëjiye.
8. ¿Yekëpi këaye yëkë aipë koka paanije jane i yëkore iye Teatro del Papel ja'a?
Ye'yeko wa'ire sejë wajë aipë koka toyayere.
Yekowa'ipi toyajëna yekowa'ipi dibujore netoje de'oji iye wajë aipë koka.

Paaiñape aipë koka seña

Iye aipë koka asatëjini, mëë ye'yakowa'i ja'ne iyere yo'ojë. Iye seña du'ruwëokopi saiye paa'iji de'oye sejë asaja'a do'ire. Ñeje sejë saijëna de'oye iti asakwaño ja'koa iye aipë koka këase'e.

¿Jerona sako'ni oko?

1. ¿Jerona sako'ni yai nomio Juana?
 2. ¿Kere koo'ni a'ritsiaya Juanare?
 3. ¿Me yo'këni oko peeoto?
Sëjëë mëë ye'yakowa'ire dibujajëë me yo'koni okoye paato.
 4. Iye airopi oko kwene wesësikota're ¿Me yo'kë ñase Tomas sakë'ni jai aikuti seni asasi'i kakë?
 5. ¿Me ñakwañokëa ma'tëmo oko rato?
Sëjëë mëë ye'yakowa'ire dibujajëë me ñakwañokë ma'tëmo kwi'ne airo oko mu'seña.
 6. Kwasajëë a'ri okopë ¿Me titako'ni tsiaya?
Sejëë mëë ye'yakowa'ire kwasajëë a'ri okopë, yo'ni dibuja jajë iye a'ri okopë io tsiaya titayere.
 7. ¿Me yo'kë koo'a ju'ikë'ni aiwano lmiyëiyë?
 8. ¿Kere ti'areni Juana kwi'ne Tomás airoja'a saijë ai tutu ësë ukona?
 9. Kwasajëë më'ëpi airo yai nomio Juana kwi'ne Tomás ñase, kwenesi yeja ja'a saijë ¿Me iowa'ire nëiko? ¿kere kwasaye'ni?
 10. ¿Me yo'koni si'a airo kweni jeoto?
 11. ¿Me yo'koni mai tsio okoraye paato?
 12. Kwasajëë iye mu'se Tomás ñasepi dani mësarure kato ¿Kere mësarure këa'ne paa'ia'ni?
 13. ¿Kere yo'ye paa'këni si'anë okoja'kore, tsiaya kweneñe paaja'kore kwine yai nomio Juana jaira ti'aja'kore?
Sejëë mëë ye'yakowa'ire dibujajëë iowa'i kwasayere oko kwenewesëye paaja'kore.
-

Tutukë'i Maro

1. ¿Me yo'kë Pedro ao ëaju'kë? ¿Me yo'kë ao aniti'añe paa'ëni?
2. ¿Me yo'ouni Pedro ñekwë? ¿Jerore paakë Pedro ñekwë?
Sëjëë mëë ye'yakowa'ire dibujajëë iowa'i ñekwë o ñeko
3. ¿Me yo'kë Pedro te'i airo saiye ka'raë? ¿Mësarure airo saiye wajëya'kë? ¿Jeyëwa mësarure wajëya'ye nëikoa, kepi wajëya'koa?
Sejëë mëë ye'yakowa'ire kwasajëë jeyëwa wajëya'ye nëko'ni kwi'ne dibujajëë iti ka'raye.

4. ¿A'ritsiaya jeni tomeni kere ti'aëni Pedro?
 5. ¿Me yo'kë Pedro ñekwë aona jukë'ni?
 6. Pedro ñekwëpi kapi mëë koo'awëo kai we'ñaja'a etaja'këa'ë ¿Me paa'ye ñakwañoja'koa'ni ko'awëo kaito? ¿Kere kaja'këa'ni Pedro ñekwë ikoo'awëo kaiwe'ña?
 7. ¿Koo'awëo ña'ne mësarü ñekwëre? ¿Ko'awëo ñakowa'ia'ni airo yaire? ¿Jeko paakoni mësarü ai tuturepa ko'awëo kaise'e? Sejë'ë mëë ye'yakowa'ire dibujajë'ë koo'awëo kaise're, paanije Pedro inekwëre ñase'e koo'awëoja'a. Mëë ye'yakowa'i toyatoje de'o'ji koo'awëo kaise're.
 8. ¿Me paa'ioni tutukë'i maro Pedro ñekwë isisiko? Sejë'ë mëë ye'yakowa'ire dibujajë'ë tutukë'i maro
 9. ¿Kere Pedro këaye paakëni i comunidad? ¿Kere kaja'këa tutukë'i maro ju'i paai kë'ro?
 10. ¿Me yo'kë ai do'i kë'yea'ni paai, airo paa'ikowa'i kwi'ne iye airo si'a yë'kë maka maine ko'nea'ë kwasajë paato? ¿Me yo'këni maipi iye nejasato airo paa'ikowa'i kwi'ne iye airo? Sejë'ë mëë ye'yakowa'ire kwasajë'ë maipi iye airo paa'ikowa'i kwi'ne airo neja saoto me paa'io paa'ija'koa'ni.
 11. Pedro ñekwë isipi tutukë'i maro iye daripë paa'iko wa'i asajajë kakë ¿Kere kaja'këani Pedro iye daripë paa'ikowa'ire? ¿Kere mësarü ka'ne paa'io wa'ia'ni mësarupi iye maro paani? Sejë'ë mëë ye'yakowa'ire toyajë'ë o dibujajë'ë kere këa'ne paa'iowa'ia'ni iye daripë akowa'ire.
-

Jane paa'i ja'kowa'ia'ë

1. ¿Me yo'jë jo'ya yai airo yaire kooere'ni du'rumakarepa? ¿Airo yai titakëa yekë mu'seña iño? ¿Titani kere yo'këa?
2. ¿Jerore paakoni Nuntu, jo'ya yai yëko?
3. ¿Me yo'reni i yëko Nanture ñasaëna, yëkë daripë akowa'i?
4. ¿Kere kaoni na'na sëopo naso, i a'sire ne'nekë ñu'ina, tara kwi'ne kaata jeajë kwimasaorena?
5. Jo'ya yai kwasaji ire airo yai jëaye repa ñase're. Kwasajë'ë iyere. ¿Me yo'kë airo yai jaje repa ñaëni? Sejë'ë mëë ye'yakowa'ire dibujajë'ë airo yai tuturepa ñase'ere.
6. ¿Me yo'kë airo yai jenitome'ne yëkë iye daripë?
7. ¿Me yo'jë jo'ya yai iye daripë akowa'i koo'ne'ni airo yaire yekë te'te jeni tome'ne, airo yai nomio ja'ne ti'asi'i kakëna?
8. ¿Me yo'kë airo yai ti'a'ne paakë'ni i nëjo kë'ro kwi'ne a'ri airo yaire paati'a'ne paakë? ¿Me yo'kë jeni saiye paakë? Sejë'ë mëë ye'yakowa'ire dibujajë'ë airo yaire ta'pise'e jeni sasi'i kakëna.
9. ¿Mësarü paaye yekë daripë kaajeowa'ire? ¿A'ji'ne sani ña'ne mësarü kaajeowa'ire yekë daripë paa'ikowa'ire? ¿Kepi jëakoni sani ña'nu'u kato?

10. ¿Kere yo'reni ëne ya'ji tëkawë paai? ¿ Kere yo'reni jo'ya yai airo yaire koñu'u kajë?
11. ¿Kere yeyeko kaoni naña sëopo naso jo'ya yai i yëko Nantuja're paa'ina?
12. Naña sëopo naso kao asakë jete'te a'ri airo yaitsi kaye ¿me paa'iore kwasakëni ikore ñakë paani?
Sejë'ë më'ë ye'yakowa'ire dibujajë'ë airo yai tsii kwi'ne pëekajo'kowa'i.
13. ¿Me kwasakë'ni airo yai jenitomeni de'we mamajëre paaye? ¿me kwasakë'ni airoyai mamajëre paaye?

Imiyëi kwi'ne a'riwati

1. ¿Me yo'ko Lina kani ti'añe paaoni ja ñami? ¿Yekë mu'seña mësarure ñeje yo'koa?
2. ¿Me sati'añe paa'ioni jai imi yëiyëre kwetu carretera ma'a ñeñu'u kajë? ¿Kere yo'këni a'ri wati imi yëiyë nejoñe paajajë kakë?
Sejë'ë më'ë ye'yakowa'ire dibujajë'ë a'ri wati yo'ye imi yëiyë ësekë.
3. ¿Me yo'ko Lina airo yaije paa'io suñaoni?
4. ¿Kere kaëni a'ri wati Linare imi yëiyë ti'aona airo yaije paa'io?
5. A'ri wati kapi iye imi yëiyë yë'ë wë'ea'ë Linare. ¿Me yo'ko jao i wë'ea'ni? ¿Kepi paa'io mai kë'ro poonëko'ani?
Sejë'ë më'ë ye'yakowa'ire dibujajë'ë iowa'i paa'iwe'ña.
6. Iye aipë koka, Linapi seko nejoñe paa'ikë iye airo de'oye paañu'u kani ¿Me kwasayeni mësarur? ¿Nejoñe paa'ikë mai airo de'oye paañu'u kani?
7. ¿Me yo'kë airo yai deoji kaini Linare io wë'e koo'ikona?
8. Kwasajë'ë Lina'ë më'ë, a'ri wati ja'ne kokani daiyë. ¿Me ka'ñe paa'iowa'ia'ni mësarur ja'kowa'ire carretera wi'yoye?
Dibujajë'ë o tayajë'ë Lina këaye io pëeka ja'ko wa'ire.
9. Kwasajë'ë tsoe wi'yoyë carretera ma'a mai daripë kë'rona. ¿Me paa'io paa'iye paa'ikë'ni iye ma'a? ¿Kere mai nejoñe peeokë'ni ma'a wi'yoko wa'i paani?
Sejë'ë më'ë ye'yakowa'ire dibujajë'ë mapa mai kë'ro, jeroja'a titaye paa'ikoni ma'a kwi'ne këajë'ë kere nejoñe peeokë'ni, jepi ai do'i paakë'ni mai airo.

Elaborada por María Vallejo, María Paz Dávila y Paula Terán O.

Esta guía es libre de derechos de reproducción. Puede ser impresa y difundida por cualquier vía, siempre y cuando mantenga los créditos correspondientes. Material de distribución gratuita, prohibida su venta.

© 2022 WWF Ecuador



Trabajamos para conservar la naturaleza para las personas y la vida silvestre.

juntos es posible

wwf.org.ec